

# KULIAH ZOHOR

**“Bermula Dengan Titik Persamaan”**

**Masjid Maarof | 29 Januari 2020**

Muhammad Haniff Hassan

[ismhaniff@ntu.edu.sg](mailto:ismhaniff@ntu.edu.sg) / [www.haniff.sg](http://www.haniff.sg)

# Ayat Al-Quran

قُلْ يَا أَهْلَ الْكِتَابِ تَعَالَوْا إِلَى كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا اللَّهَ  
وَلَا نُشْرِكَ بِهِ شَيْئًا وَلَا يَتَّخِذَ بَعْضُنَا بَعْضًا أَرْبَابًا مِّنْ دُونِ اللَّهِ فَإِن  
تَوَلَّوْا فَقُولُوا اشْهَدُوا بِأَنَّا مُسْلِمُونَ

“Katakanlah: Hai Ahli Kitab, marilah (berpegang) kepada satu kalimat (ketetapan) yang tidak ada perselisihan antara kami dan kamu, bahawa tidak kita sembah kecuali Allah dan tidak kita persekutukan Dia dengan sesuatu pun dan tidak (pula) sebahagian kita menjadikan sebahagian yang lain sebagai tuhan selain Allah. Jika mereka berpaling, maka katakanlah kepada mereka: Saksikanlah, bahawa kami adalah orang-orang yang berserah diri (kepada Allah).” (Ali Imran: 64)

وَلَا تُجَادِلُوا أَهْلَ الْكِتَابِ إِلَّا بِالَّتِي هِيَ أَحْسَنُ إِلَّا الَّذِينَ ظَلَمُوا مِنْهُمْ وَقُولُوا  
آمَنَّا بِالَّذِي أُنزِلَ إِلَيْنَا وَأُنزِلَ إِلَيْكُمْ وَإِلَهُنَا وَإِلَهُكُمْ وَاحِدٌ وَنَحْنُ لَهُ مُسْلِمُونَ

“Dan janganlah kamu berdebat dengan Ahli Kitab, melainkan dengan cara yang paling baik, kecuali dengan orang-orang yang zalim di antara mereka, dan katakanlah: Kami telah beriman kepada (kitab-kitab) yang telah diturunkan kepada kami dan yang diturunkan kepada kamu; Tuhan kami dan Tuhanmu adalah satu; dan hanya kepadaNya kami berserah.” (Al-Ankabut: 46)

# Pengajaran

1. Anjuran memberi tumpuan pada titik-titik persamaan dengan bukan Muslim.
  - memulakan dakwah pada pada titik-titik persamaan.
2. Walau pun antara Islam dan Ahli Kitab ada perbezaan dasar, tidak bermakna di sana tidak ada titik pertemuan atau persamaan dan tidak boleh bersama-sama dalam perkara yang dipersetujui
  - tidak khusus pada Ahli Kitab sahaja tetapi juga kepada semua bukan Muslim.

3. Dengan mengenal pasti titik pertemuan dan persamaan, membolehkan hubungan yang positif dan bekerjasama dengan golongan bukan Muslim seperti contoh Rasulullah s.a.w dalam Harbul Fijar, Hilful Fudhul dan perjanjian Sahifah Madinah.
4. Anjuran ini juga menjadi salah satu dasar bagi melakukan Dialog Antara Agama / Budaya sebagai salah satu cara berdamai.
5. Sekiranya Islam menganjurkan mencari titik persamaan dengan Ahli Kitab dan golongan bukan Islam, maka logiknya mencari titik persamaan di antara sesama Islam dan kumpulan Islam itu lebih utama dari berdebat dalam perkara yang diperselisihkan.

4. Jika direnung akan kecenderungan untuk mencari titik perselisihan antara pihak lain, pasti akan dapati di sebalik kecenderungan itu terselit elemen-elemen negatif seperti dorongan marah, dendam, benci, mahu mengalahkahkan pihak lain, fanatik pada pandangan sendiri, sempit dada, tidak menghormati hak orang lain untuk berpendapat, melihat pihak lain sebagai ancaman dll.
  - sedangkan Muslim dituntut untuk sentiasa mensucikan hatinya dari sifat-sifat yang keji.
  
5. Sikap berhati-hati yang sederhana adalah wajar dan tidak mengapa
  - jangan akibatkan hilang peluang-peluang dakwah yang berharga atau aset-aset yang bermanfaat.

# KULIAH ZOHOR

**“Apabila Berhadapan Dengan Penguasa”**

**Masjid Maarof | 29 Januari 2020**

Muhammad Haniff Hassan

[ismhaniff@ntu.edu.sg](mailto:ismhaniff@ntu.edu.sg) / [www.haniff.sg](http://www.haniff.sg)



# Ayat Al-Quran

قَالُوا أَنْتَ فَعَلْتَ هَذَا بِالْهَيْتِنَا يَا إِبْرَاهِيمُ  
قَالَ بَلْ فَعَلَهُ كَبِيرُهُمْ هَذَا فَاسْأَلُوهُمْ إِنْ كَانُوا يَنْطِقُونَ  
فَرَجَعُوا إِلَى أَنْفُسِهِمْ فَقَالُوا إِنَّكُمْ أَنْتُمُ الظَّالِمُونَ  
ثُمَّ نَكِسُوا عَلَى رُؤُوسِهِمْ لَقَدْ عَلِمْتَ مَا هَؤُلَاءِ يَنْطِقُونَ  
قَالَ أَفَتَعْبُدُونَ مِنْ دُونِ اللَّهِ مَا لَا يَنْفَعُكُمْ شَيْئًا وَلَا يَضُرُّكُمْ  
أَفِ لَكُمْ وَلِمَا تَعْبُدُونَ مِنْ دُونِ اللَّهِ أَفَلَا تَعْقِلُونَ  
قَالُوا حَرِّقُوهُ وَانصُرُوا آلِهَتَكُمْ إِنْ كُنْتُمْ فَاعِلِينَ

“Mereka bertanya: Apakah kamu yang melakukan perbuatan ini terhadap tuhan-tuhan kami, hai Ibrahim. Ibrahim menjawab: Sebenarnya patung yang besar itulah yang melakukannya, maka tanyakanlah kepada berhala itu, jika mereka dapat berbicara. Maka mereka telah kembali kepada kesadaran mereka dan lalu berkata: Sesungguhnya kamu sekalian adalah orang-orang yang menganyiaya diri (sendiri). Kemudian kepala mereka menjadi tertunduk (lalu berkata): Sesungguhnya kamu (hai Ibrahim) telah mengetahui berhala-berhala itu tidak dapat berbicara. Ibrahim berkata: Maka mengapakah kamu menyembah selain Allah sesuatu yang tidak dapat memberi manfaat sedikitpun dan tidak (pula) memberi mudharat kepada kamu? Ah! (Celakalah) kamu dan apa yang kamu sembah selain Allah. Maka apakah kamu tidak memahami? Mereka berkata: Bakarlah dia dan bantulah tuhan-tuhan kamu, jika kamu benar-benar hendak bertindak.”  
(Al-Anbiya’: 62-68)

قَتِلَ أَصْحَابُ الْأُخْدُودِ

النَّارِ ذَاتِ الْوُقُودِ

إِذْ هُمْ عَلَيْهَا قُعُودٌ

وَهُمْ عَلَىٰ مَا يَفْعَلُونَ بِالْمُؤْمِنِينَ شُهُودٌ

“Binasa dan terlaknatlah orang-orang yang membuat parit. Yang berapi (dinyalakan dengan) kayu bakar. Ketika mereka duduk di sekitarnya. Sedang mereka menyaksikan apa yang mereka buat terhadap orang-orang yang beriman.”

(Al-Buruj: 4-7)

# Pengajaran

1. Antara sasaran dakwah ialah para penguasa.
  - di dalam Al-Quran terdapat banyak kisah contoh mengenai dakwah kepada penguasa
  - di antara kisah itu ialah kisah nabi Ibrahim dengan Namrud, penguasa Babylon (Al-Anbiya': 62-68) dan kisah pendakwah budak di Najran, Yaman (Al-Buruj: 4-7)
  - rujuk buku tafsir untuk memahami setiap kisah di atas dengan lebih terperinci.
2. Ayat-ayat di atas menceritakan mengenai dakwah secara konfrontasi dengan para penguasa.

3. Dakwah secara konfrontasi dengan penguasa yang zalim itu adalah salah satu pilihan (option), tertakluk pada pertimbangan mudarat, maslahat dan hikmah
  - kadangkala satu pilihan yang tidak dapat dielakkan seperti yang berlaku dalam kisah surah Al-Buruj.
  
4. Perlu diperhatikan bahawa Allah taala apabila menceritakan kisah-kisah ini, Dia juga menceritakan natijah dari cara dakwah berkenaan
  - dalam kisah nabi Ibrahim, beliau dicampak ke dalam api tetapi diselamatkan oleh Allah taala
  - dalam kisah di surah Al-Buruj, pendakwah muda itu dibunuh dan orang-orang beriman dicampak ke dalam parit yang berapi.

5. Pengajarannya ialah berkonfrontasi dengan penguasa yang zalim itu dibenarkan oleh syarak tetapi perlu sedar dan tahu akan akibat dari tindakannya itu iaitu reaksi keras dari para penguasa yang zalim seperti diazab, dibunuh, dipenjara dan dihalau
  - hakikat ini berlaku secara berulang kali, dari zaman dahulu hingga sekarang, sehingga seolah-olah menggambarkan bahawa ia adalah satu sunnah alam.
  
6. Perlu pertimbangan betul tentang kesan terhadap masalah dakwah
  - mudarat yang menimpa tidak lebih besar dari masalah yang dicapai
  - contoh konflik di Syria

7. Mati di jalan Allah memang mulia, tapi agama Allah dipelihara oleh mereka yang hidup
  - Islam disebarakan oleh Muslim yang hidup, bukan yang mati
  
8. Dalam memilih strategi dakwah, pemimpin bukan hanya memahami para pengikutnya akan strategi itu dan bagaimana pelaksanaannya tetapi juga memahami mereka akan natijah buruk dari strategi berkenaan
  - melaksanakan strategi itu dengan kesedaran apa yang baik dan buruk darinya kerana demikianlah yang Allah taala lakukan di dalam Al-Quran apabila menceritakan kisah di atas.